

تۈرك يۈردى

تۈرك اوجاقلرى مركزى لهيئتى طرفىدىن نىشرا اولونۇر

نومرو ۱

تشرىن تانى ۱۳۴۰

جلد ۱

تاریخی و تفسیر [★]

« أفندیار ، ارکان حربیة عمومیہ رئیس فوزی پاشا حاضر تلرینک ویردیکی قیمتی ایضاً حاکمہ بوردادہ حاضر اولانلر « آفیون قره حصار - دولی بیکار » میدان محاربہ سنک و نتیجہ قطعہ ویرن ۳۰ آغستوس محاربہ سنک صورت جریانی حقتندہ برفکر اجمالی ایدیشلردر . بش کون بلا فاصلہ کیچہلی کوندوزلی دوام ایدن بو بویوک میدان محاربہ سنک ماهیت حقیقیہ سی بوکون ویرلن تفصیلاتدن زیاده یارین تاریخک حکماری ، ارباب تبیک تدقیق و محاکمہ لری اوقوندینی زمان داها بارز ، داها شموللی برصورتده آکلاشیله جقدرد .

بی ، ماتم ؛ تورک ملتی امنیت و اعتمادینه لایق کورده رک بوحرکاتک باشنده بولونیدردی . بووظیفه و مأموریتک مسعود خاطرہ سی - ملتہ قارشى دائماً اک درین متدارلقارلہ متحسس اولارق - حظ ایله ، افتخار ایله محافظه ایدیورم . وظیفه لرینی ملتک آرزوی وجدانیسنه ، احتیاج حقیقیسنه ، یالکز اولنک اراده عالیہ سنه توفیقاً یامش اولانلره مخصوص براستراحت وجدان ایله بوکون مواجهه کزده بولونورکن حسن ایتدیکم بختیارلی افاده ایدیم .

« أفندیار ، طبق بوکون کی ۳۸ سنه سی آغستوسنک اوتوزنجی کونی ساعت ایکیده شمیدی هب برابر بولندیغمز بونقطه یه گلشدم . بواوزرنده بولوندیغمز صرتارده قهرمان اون برنجی فرقه من شوقارشکی تپهلرده محاربہ یه مجبور ایدیلن دشمن قوای اصلیه سنه تعرض ایچون یاییله رق ، ایلریله مکده بولونویوردی . شو

[*] طوملو بیکارده رئیس جمهور غازی پاشا حضرتلری طرفندن ایراد ایدیلن بونطق هر نه قدر مطبوعانده نشر ایدیلش وقارئلر مزجه معلوم ایهده تورک حیاتک مستقبل خطوط اساسیه سی و آلاجنی استقامتی تعیین وتبیت ایتمش اولدیغندن تاریخی بر قیمت مخصوصه یی حائر بولونمالری مناسبیله مجموعه منهدده بروتیقه اولق اوزره نشری مناسب کورولدی .

کوردیکمز حال کوی آلور و دو مانلر ایچنده یانیوردی . بنی بورایه قادار کتیره دن سائق نه اولدیغنی ایضاح ایچون خاطر لادیغم برایکی نقطه یی بوراده تکرار ایده جکم :

« ۲۹-۳۰ آغستوس کیجه سی صباحه قارشى غرب جهه سی حرکات شعبه سی مدیری توفیق بک بر معتاد اوساعته قادار مختلف قرارگاهلردن و هر طرفدن کلن راپورلره کوره خریطه اوزرینه تثبیت و اشارت ایتدیکی وضعیت عمومیه یی جهه قوماندانی عصمت پاشایه کوسترمش و اوده در حال پاشایه کوستر امریله توفیق بکی یانمه کوندرمشدی . قره حصارده بلدیله دائره سنده بکا تخصیص اولنان اوطه ده یاتمهده ایدم . بنی او یاندىران توفیق بک کوستر دیکی خریطه یه باقم . همان یاتاقدن فی رلادم . آرقداشلر ؟ خریطه ده کوردیکم شی شوایدی ، که اردولر مزدشمن قوای مهمه سی شمالدن ، جنوبدن ، عربدن احاطه یه مساعد بر وضعیت آلمش بولونیورلردی . شو حالده تصور ایتدیکمز واعظمی نتایج تأمین ایده جکنى امید ایلدیکمز وضعیتلر تحقق ایدیوردی . در حال « فوزی و عصمت پاشالری چاغیریکمز ! » دیدم . اوچز طولانلق . وضعیتی بردها مطالعه ایتدک و قطعیتله حکم ایتدک که تورک حقیق خلاص کونشی ۳۰ آغستوس صبحی افقدن بوتون شععه سیله طلوع ایده جکدر . بوقراره کوره اردولره بکی امر و تعلیمات یازلدى (۶،۳۰ اولده) . فقط وضیت اوقادار مهم ، اوقادار سرعت و شدت طلب ایدیور ایدی که بوتحریری امرلره اکتفا ایتک موافق احتیاط اولامازدی . اونک ایچون فوزی پاشا حضر تلرندن بالذات آلتون طاش و جنوبندن حرکت ایدن ایکنجی اردومزک و بونک داهای غربنده بولنان سواری قول اردومزک زدیینه کیده رک تصور مزه کوره حرکاتی تنظیم بیورمسی کندیلرندن رجا ایتدم .

« دردنجی قول اردوسيله استهداف ایتدیکمز دشمن قسم کلیسی جنوبدن تعقیب ایدن برنجی اردو قرارگاهنده بن بالذات کیده جکدم . عصمت پاشانک قرارگاهده قلوب وضعیت عمومیه یی اداره ایتمسی مناسب کوردم . فوزی پاشا حضرتلری شماله حرکت ایدرکن بنده اوتوموبیل ایله شمسندوفر کذرگاهنی تعقیماً غربه حرکت ایتدم . آقچه شهرده برنجی اردو قرارگاهنه ساعت طوقوزدن اول ایدی که

واصل اولمشدم . اردو قوماندانہ بر طرفدن چہنک تحریری امری تودیع
اولونورکن بنده کندیسنه شفاہا وضعیتی ایضاح ایتدم و دردنجی قول
اردونک تکمیل فرقہ لریلہ و سرعت و شدتہ ایشہ بوکویک ، چال کویک
غربندہ کی دشمن قسم کلپسی احاطہ ایدہ چک صورتہ محاربہ مجبور
ایتمسی امرایتدم ، وعلاوہ ایتدم کہ «دشمن اردوسی ہمہ حال احما اولونہ جقدر»
اردو قوماندانی بنم یانمہ تلفونہ قول اردو قوماندانی کال الدین پاشانی بولدی ،
بنم اورایہ کلدی کمی و امرمک نہ اولدیغنی تبلیغ ایتدی . برمدت قرارکاہدہ قالدہ .
متبادیاً کلن مختلف زتبہ دہ کی اسیر ضابطانہ کوروشدم . بوزردن بری ارکان حرب
ضابطی ایدی ، زوالی و یردیکی معلومات میانندہ ایستہ میہ رک باش قوماندان وظیفہ سی
آلان جنرال تریقویسک وایکنجی قول اردو قوماندانی جنرال دیہ نیسک دہ نرم
چویرمک ایستہ دیکمز چنبرک ایچندہ بولوندیغنی افادہ ایتس اولدی . درحال یانمہ
بولونان اردو قوماندانہ «کال الدین پاشانی بولکمز ، بالذات تریقویسہ برابر بوتون
دشمن جنرال لری ہی ہمہ حال اسیر ایتسی سوبہ یکمز» دیدم . بو امر درعقب تلفونہ
تبایغ اولوندی . زوالی اسیر ضابط بنم بو امری ایشیدیر ایشتمز اکرم ایتدی کم
چایی ایچہ میہ رک بویوک ربایغینلق کچردی . دہا فضلہ بواردو قرارکاہدہ قالا مازدم ،
محاربہ وضعیتی کوزملہ کورمک بنم ایچون مقاومتسوز را احتیاج اولدی . اردو
قوماندانی دہ برابر آلہ رق دردنجی قول اردو قوماندانک ترصد ایچون بولوندی ہی
شو استقامتہ کی برتپہ یہ کلک (آرہلق جوارندہ) .

«چال کوی غربندہ و شمالندہ باطلایان طوپرک طراقلری ایشیدیروردم .
اورادن وضعیتی دورینلہ تدقیقہ اوغرا شمع بکا صیقینیلی کلدی . دہا ایلری یہ ،
آتش برینہ کیتمک ایچون قطعی بر لزوم و احتیاج حس ایدیوردم . بو نقطہ ہی ،
شمعی اوزرندہ بولندیغمز بوتپہ ہی کوستردم : «اورایہ کیتمک لازمدر و بویورک
کیدم!» دیدم . اوتوموبیللرہ آتلادق . بوتپہ یہ کلن یولہ داخل اولدق . آرہ صرہ
کذرکاہمزک صولنہ دشمن مرمری دوشیوردی . دردنجی قول اردونک فرقہ لری
شرقدن غربہ کذرکاہمزی قطع ایدرک سریع خطوہ لرلہ ایلریہ یورلردی . بر آز

اول دیدیکم کبی ساعت ایکیده شورایه حقیقش بولونیوردی . دشمن قوتارینی کوندوز کوزیله تماماً احاطه ایتک و دشمنک معنده مدافعه ایتدیکی محاربه موضعلرینه سونکو هجوملریله داخل اولارق نتیجه قطعیه آلق اُلزم ایدی . بونک ایچون بوتون قطعانک اعظمی فدا کارلقله ایلریله مسنی و بوتون بطریه لر مزک، حتی مستوریته باقتسزین ، آتش موضعلرینه کیروب دشمن موضعلرینی صارصمسنی ایستیه یوردیم . یانمده کی قوماندانلر بونقطه نظرلری آکلار آکلماز درحال واک عصبی رصورتده فعالیتیه کجیدلر . مع التأسف شمدی اسمنی خاطرلایامادیم یانمده بولونان قهرمان برسواری ضابطه برقاچ کله نوط ایتدیره رک دشمن موضعلرینی شمالدن صاران ایکنجی اردویه کیندریم . وشفاها ، بورادهدن ایشیدکلرینی اونلره دده سوبله مسنی امر ایتیم . بوضابط وظیفه مسنی یامش و برقاچ ساعت صوکرایانمه کله رک معلوماتده ویرمشدی . اون برنجی فرقه نک قهرمان قوماندانی درویش بک بالذات ایلری آتیه رقبونون قوتیه دشمن مواضعنه ایلریله یوردی . قول اردو قوماندانی کمال الدین پاشا جنوبدن و غربدن دشمنه صالیدرینی دیگر فرقه لرینه یکیدن بکی . تشدید و تسریع حرکات ایچون امرلری ایصال ایدی یوردی . ایکنجی اردونک اون آلتنجی و آلتش برنجی فرقه لریده احاطه دأر دسنی دارلاشدیر یوردی . بونلری کور یوردیم . سواری قول اردو مزک دها غربدن دشمنک آرقه سنی کسمک اوزره بولوندیقنی بکا خبر کتیرن سواری ضابطی سوبله مشدی .

«آرقاداشلر، ساعتلر ایلریله دکه کوزلر مک اوکنده انکشاف ایدن منظره شو ایدی : دشمن باش قومانداننک شو قارشیک تپه ده صوک غیرتله چیرپیندیغنی کور یورد کبی ایدیم . بوتون دشمن موضعلرنده بویوک برهیجان و خلجان واردی . آرتق طویلرینک ، تفشکلرینک و مترالوزلرینک آتشلرنده صانکه اولدیر ییجی خاصه قالمامشدی . بواووددن ، شمالدن و جنوبدن بربرینی ولی ایدن آوچی خطر مزک ، غروبیه یاقلاشان کونشک صوک شعاعاتیله پارلایان سونکولری هر آن دها ایلریده کورولیوردی . دشمن مواضعنی صاران بر دأره اوزرنده موضع آلتش اولان بطریه لر مزک فاصله سز و آمانسز آتشلری دشمن مواضعنی، ایچنده بارینیلماز برجهنم

حاله کتیریوردی . کونش مغربه یاقلاشدیقه آتشی ، قانی وأولوملی برقیامتک قویق اوزره اولدینی بوتون روحارده حس اولنیوردی . برآن صوکره جهانده بویوک برانهدام اولاجقدی و بکله دیکمز خلاص کونشسک طلوع ایده یلمسی ایچون بوانهدام لازمدی . ظلمتلر ایچنده بوانهدام وقوعبولالیدی . حقیقه سمانک قاراردینی بر دقیقه ده تورک سونکولری دشمن دولواوص تله هجوم ایتدیلر . آرتق قارشیمده براردوه بر قوت قالماشدی . کاملاً محو اولش ، پریشان برقیه لسیوف کتله سی بولونیوردی . کندیلرینک دیدیکی کبی رخوف ولرزان ، بی شکل برکتله ، عجیب برخلیطه حالده فرار ایچون فرجه آریوردی . آرتق کیجه نک قویولاشان ظلمتی نتیجه بی کوزله کورمک ایچون کونشک تکرار شرقدن طلوعنه انتظاری ضروری قیلیوردی .

«أفندیلر ، ایرتسی کونی تکرار بو محاربه میدتی طولاشدیغم زمان اردومزک احراز ایتدیکی ظفرک عظمتی وبوکا مقابل خصم اردوسنک دوچار ابدلیکی فلاکتک دهشتی بی چوق متحسس ایتدی . او قارشیکی صرتلرک کرلرندک بوتون وادیلر ، بوتون درملر ، بوتون محفوظ ومستور لرلر برقیلمش طوبلرله ، اوطوموبیلرله ونامتناهی تجهیزات و ما لزمه ایله وبوتون بومتروکاتک آرالرندک بیغیر تشکیل ایدن اولولرله ، طویلانوب قراکاهلرمزه سوق اولونقمده بولونان سورو سورو اسیر قافله لرله حقیقه بر محشری آکدیریوردی . بودار آتش وصولت چنبدن بوکون ایچون قورتولایلرلر بر قاج بیک کشیک بقیه لسیوفدن عبارت ایدی ، فقط اونلرده داهابویوک تورک چنبری ایچندن جیقمه موفق اولامایارق باشلرندک باش قوماندانلری بولندی بی حالده بیاض بایراق چکمکه مجبور اولمشلردر .

«أفندیلر ، آغستوسنک اوتوزرنجی کونی تقریباً زوالده ایدی که ینه بوچال کوینده ، بیقیق برأوک اولوسی ایچنده عصمت پاشا وفوزی پاشا ایله بولوشدق . قبریق قاغنی آرابلرینک دوشمه و اوقربینه ایلیشه رک وضعیتی مطالعه ایتدک . قازاندیغمز میدان محاربه سنک بوتون سفری ختامه ایردیره سیله جک بر عظمت واهمیتده اولدیغنده اتفاق ایتدک . شیمدی بروسه استقامتده چکیان دشمن قوتلرینی محو ایتمکله برابر بوتون اردوی اصلی ایله بلا آرام ازمیره یورویه جکدک .

«أفندیلر ، بو کوندن سو کره ازمیرده » آق دکنری ، مدانیهدده « مرمره نی » کورمک ایچون سکنر ، طقوز کونلک بر زمان کافی کلشدیر . فقط خاطر لاتملی بم که بو کون ، بو اوزرندده بولندیغمز تپیه ، بو یانیق چال کوبینه کله بیلیمک ایچون یالکیز سقاریه دن اعتباراً صرف ایتدیگمز زمان تام بر سنه در . فقط بو تسعید ایتدیگمز ظفری احضار ایدم بیلیمک ایچون بر سنه نی چوق بولماز سکنر ظن ایدرم . چونکه افندیلر ، حرب ، محربه ، نهایت میدان محاربہ سی یالکیز قارشی ، قارشی به کان ایکی اردونک چاریشماسی دکلدر ، ملتارک چاریشماسیدر . میدان محاربہ سی ملتارک بوتون موجودیتلریله ، علم و فن ساحه سنده کی سوبه لریله ، اخلاقلریله ، حرثلریله ، خلاصه بوتون مادی و معنوی قدرت و فضیلتلریله و هر درلو واسطه لریله چاریشدینی رامتجان ساحه سیدر . بوساحده چاریشان ملتارک حقیقی قوت و قیمتلری اولچولور . نتیجه یالکیز قوه جسمانیه نك دکل ، بوتون قوتلرک بالخاصه احلاق و حرثی قوتلرک تفوقنی مرتبه نبوته واردیرر . بوسیله میدان محاربہ سنده یکیان طرف ملتجه و مملکتجه ، بوتون موجودیت مادیه و معنویه سیله مغلوب ایدلمش صاییلر . بویله بر عاقبتک نه قادر فجیع اولاییله جکئی تخمین ایدرسکنر . محو واضع حلال یالکیز جدال ساحه سنده بولنان اردویه منحصر قالماز اصل اردونک متسوب اولدینی ملت فجیع عاقبتلره اوغرار . تاریخ ؟ باشلرندده کی تاجدارلرک ، حریص بولتیقه جیلرک بر طاقم خیالی امللره ، واسطه سی موقعه دوشن مستولی اردولرک ، مستولی ملتارک اوغرادینی بونوع فجیع عاقبتلره مالامالدر .

«أفندیلر ، تورک وطنی فتح ایتمک فکرنی ، تورکی اسیر ایتمک خیالنی عمومی ، معشری بر فکر حالنه قومیایه چالیشارلرکده لایق اولدقلری عاقبتدن قور تولاماش اولدقلرنی کوزلر منزله کوردک . أفندیلر ، کندیلرینه بر ملتک طالی تودیع اولونان آدملر ، ملتک قوت و قدرتی یالکیز و آحققینه ملتک حقیقی و قابل استحصا منفعتلری بولند قوللانقله مکلف اولدقلری بر آن خاطر لرندن چیقارما مالیدرلر . بو آدملر دوشونمایدلرلرکه بر مملکتی ضبط و اشغال ایتمک او مملکتلرک صاحب لرینه حاکم اولمق ایچون کافی دکلدر . بر ملتک روحی ضبط اولونما دجه ، بر ملتک عنزم

واراده سی قیرلما دجه اولمته حاکم اولما نك امکانی یوقدر. حالبوکه عصر لرك مولودی اولان بر روح ملییه ، قوی ودائی براراده ملییه هیچ بر قوت مقاومت اید. من. « محکوم اولق ایسته مین برملق تحت اسارتند طوتمایه مقتدر اولاجق قادار قوتلی مستبدلر آرتیق بودنیا یوزنده قلامشدر. تورک ملتی صوک مجادلانیه ، بالخاصه بوراده احراز ایتدیکی ظفرله ، اظهار ایتدیکی عزم واراده ایله معلوم اولان بو حقایق بردفعه ده سینة تاریخه چلیک قلمله حک ایتش بولونیور.

« أفندیلر ، آفیون قره حصار - دو ملی پیکار میدان محاربه سی و اونک صوک صفحه سی اولان بو ۳۰ آغستوس محاربه سی تورک تاریخنک اک مهم بر دونوم نقطه سی تشکیل ایدر. تاریخ ملیمز چوق بویوک و چوق پارلاق ظفر لره دولودر. فقط تورک ملت نك بوراده احراز ایتدیکی ظفر قادار نتیجه قطعیلی و بوتون تاریخه ، بالکمز بزم تاریخمه دکل ، جهان تاریخه یکی جریان ویرمکده قطعی تأثیرلی بر میدان محاربه سی خاطر لاما یورم.

« هیچ شبهه ایتمه ملیدر که یکی تورک دولتنک ، کنج تورک جمهوریت نك تملی بوراده ترصین اولندی. حیات ابدیه سی بوراده نتویج اولوندی. بو ساحه ده آقان تورک قانلری ، بوساده پرواز ایدن شهید روحلری دولت و جمهوریت نك ابدی محافظلر ایدر. بوراده اساسی وضع ایتدی کمز (شهید عسکر) آبدیه سی ایشته اورو حلری ، اورو حله برابر غازی آرقاداشلری ، فدا کا وقهرمان تورک ملت نی تمثیل ایده . کدر. بو آبدی تورک وطننه کوز دیکه جکاره تورک ۳۰ آغستوس کوننده کی آتشی ، سونکوسی ، صولتی ، قدرت واراده سند کی شدتی خاطر لاته جقدر.

« أفندیلر ، بومعظم ظفرک مختلف عامللری فوقده اک مهمی واکعالیسی تورک ملت نك بلاقید و شرط حاکمیتی آلنه آلمش اولماسیدر. بو حادته نك تاریخمه ده و بوتون جهانده نه بویوک و نه فیضلی برانقه نب اولدیغنی ایضا حله زوم کورم ، ملت نك اوزون عصر لردن بری خانلر ، خاقانلر ، سلطانلر ، خلیفه لر آلنده ، اونلرک تحکم و استبدادی آلنده نه قادار ازلدیکنی ، اونلرک حرص لرینی تأمین یولنده نه قادار بویوک فلاکت لره و ضرر لره اوغرادیغنی دوشونورسه ک ملت نك حاکمیتی آلنه آلمش اولسی حادته نك

بوتون عظمت و اهميتى نظرلر مژده تجلى ايدور . كچه بو بويوك ظفر ك فرداسنه
قادار استانبولده خليفه و سلطان نامى آلتنده بر شخص و اونك اشغال ايتديكى
خلافت و سلطنت عنوانيله بر مقام واردى . فقط بو ظفردن سو كرا ملت او مقاملرى
و او مقام صاحبلىرى لايىق اولدينى عاقبت ايهال ايتدى .

«أفنديلر ، حاكيت مليه اويله بر نوردر كه اونك قارشيسنده زنجيرلر اير ، تاج
و تختلر يانار ، محو اولور . ملتلك لاسارنى اوزرينه قورولش مؤسسeler هر طرفده
ييقيلماليه محكومدرلر . آوروپانك اورتسندن تاشرك اوبر اوجنده كي بيكارجه
سلك مملكتلر باقهجق اولور سق عثمانلى ايمپراطورلغلك استحقاق ايتدىكى طاللى
داها كوزل آكلابايليرز .

«آرقاداشلر ، سرائيلينك ايچنده تور كدن غبرى عنصرلر استناد ايدرك ، دشمنلرله
اتفاق ايدرك آناطولينك ، توركلنك عليهنه يوروين چورومش كولكه آدمارينك تورك
وطندن طردى دشمنلك دكزه دو كوله سندن داهارها كار بر حر كتدر . تورك ملتلك
مبارك وديعه اجداد اولان بو طوبراقلرد تام معناسيله أفندى اولارق ياشامسى
آنچق اوقصولى وى معنا اولدقدن باشقه موجوديتلرى محض ضرر و فلاكت
اولان مقاملك بر طرف ايدلمسى ايله ممكن اولاييليردى .

«أفنديلر ، اونلر يوزندن تورك وطنك و تورك ملتلك كچيرديكى كدرلرى ،
الملرى حس ائتمش بر فردمن بوقدر . بو قادار ماملر و فلاكتلر كچيرد كدن
سوكره البته تورك اوكرنمشدر كه وطنى يكي دن ياقى و اوراده مسعود و حر ياشايه
بيلمك ايچون همه حال حاكيتنه صاحب قالمق وجه وريت بايراغى آلتنده بوتون
اولادلىرى طوبلو و دقتلى بولنديرمق لارمدر .

«أفنديلر ، عصرلردن برى ايكليله رك فرياد ايدن فقط مستبدلرك ، مغفللرك
جاهللك وجوده كتيردكلرى مانعلرله جانغراش صداى ملتلك قولاغنه اسماع
ايدمه ين زواللى وطن بوكون ديسور كه «بوتون جان قولاغنكزى خراب اولمش ،
سينسند الكدرين اضطرابلر دويمش والده كزك صميمى خطابه دائما آچيق
بولوندوروكز ، أفنديلر ؛ آسياده ، آوروپاده ، آفريقاده حكمران اولمق قدرت

وقایعینی کو سترمش اولان اجدادمن وقتنده بوسدایی ایشتمکدن منع ایدلمش اولسه لردی تورک جامعه سنک ، تورک مفکوره سنک ، منافعنک محفوظ و فیضدار اولاجنی آنا وطنه بو کونکی شکل خرایسنده می توارث ایده رک ؟ آقندیلر ، آرتق وطن اعمار ایستیور ، زنیکنلک ورفاء ایستیور . علم معرفت ، یوکسک مدنیت ، حر فکر وحر ذهنیت ایستیور . شرف ، ناموس ، استقلال ، حقیق وارلق ؛ وطنک بو طلبلرینی تماماً و سریعاً یرینه کتیرمک ایچون اساسلی وجدی بر صورتده چالیشمای امر ایده ر .

آقندیلر ، عصرلردن بری تورکیه نی اداره ایدنلر چوق شیار دوشونمشلردر . فقط یالکیز برشیئی دوشونمه مشلردر : تورکیه نی ! . بو دوشونجه سزک یوزندن تورک وطنک ، تورک ملتک دوچار اولدینی ضررلری آنجق بر طرزده تلافی ایده بیلیرز : اوده آرتق تورکیه ده تورکیه دن باشقه برشیئی دوشونمه مک ... آنجق بو ذهنیتله حرکت ایده رک هر درلو سلامت وسعادت هدفلرینه واصل اولابیلیرز . « آقندیلر ، بزم ملتزم وطنی ایچون ، حریتی و حاکمیتی ایچون فدا کار بر حلقدر ؛ بونی اثبات ایتدی . ملتزم یاپدینی انقلاباتک قیصتاج مدافعیدرده ... بندکننده بوفضیلتر یرلشمش برملتی یورومکده اولدینی دوغرو یولدن هیچ برکیمسه ، هیچ بر قوت آلیقویاماز .

« آقندیلر ، ملتزم حاکمیتی آلنه آلدینی کون ، بیلمه ین قالمامشدر ، الک قارا کلک فلا کتارک ، اکدرین اوچورو می کنارنده بولونیوردی . قوه مادیه سی سیرا تدریش ، وسائط مدافعه سی غضب اولونمش ، معنویاتی ، مقدساتی دوچار تجاوز اولش ، آلم بروضعیتده بولونیوردی . بوتون بونلره رغماً موجودیتی واستقلالیتی قورتارمقه قرار ویردی . بوقرارنده موفق اولابیلیمک ایچون بوتون ملتک کندینه برهدف حرکت تثبیت ایتسی لازم کلبوردی . بوتون ملتک اوهدف اوزرنده بهمه حال موفق اولمای غایه أمل تلقی ایتسی ایجاب ایدیوردی . ملت بوتون موجودیتله ، بوتون فدا کارلغیله ، بوتون ایمانیه اوهدفه برابر یوروسون و بهمه حال موفق اولسون لازمدی . آقندیلر ، اوهدف بوراسی ایدی ! غایه أمل اولان موفقیت بوراده احراز اولنان ظفر ایدی .

«آفندیلر، ملتیز بوندن صوکررا کی مساعیسندهده موفق اولا بیلیمک ایچون ملی هدفی بوتون وضوح و قطعیتله، تکمیل و طنداشلرک نظرند و وجداننده بوتون پارلاقلیله تثبیت و تعیین ایتمش بولونیور. ایسترسه کز بزم بوراده هدف دیدیکم شیئی سز ملتک مفکورهسی تسمیه ایدیکز. فقط بو عنوانی ویررکن دقت ایدیکز که خیالی بر معنایه کندمزی قایدیرمایالم.

«آفندیلر، ملتیزک هدفی، ملتیزک مفکورهسی بوتون جهانده تام معناسیله بر هیئت اجتماعیه اولمقدور. بیلیرسکز که دنیاده هر قومک موجودیتی، قیمتی، حق حریت و استقلاللی مالک اولدینی و یاپه جنی مدنی اثرلرله متناسبدر. مدنی اثر وجوده کتیرمک قابلیتندن محروم اولان قوملر حریت و استقلاللردن تجرید اولونمغه محکومدرلر. تاریخ بشریت باشدن باشه بودیدیکی تأیید اتمکدهدر. مدنیت یولنده یورومک و موفق اولق شرط حیاتدر. بویول اوزرند ایلری دکل، کرییه باقق جهل و غفلتنده یولنازلر مدنیت عمومیه نك خروشان سیلی آلمنده بوغولمغه محکومدرلر.

«آفندیلر، مدنیت یولنده موفقیت تجدد و ابستدر. اجتماعی حیاتده، اقتصادی حیاتده علم و فن ساحهسده موفق اولق ایچون یکانه تکامل و ترقی یولی بودر. حیات و معیشته حاکم اولان احکامک زمان ایله تغیر، تکمیل و تجددیض وریدر. مدنیتک اختراعلری، فنک خارقلری جهانی تحولدن تحوله دوچار ایتدیکی بردورده عصر ااق کهنه ذهنیتلرله، ماضی برستلظه محافظه موجودیت ممکن دکلدر. مدنیتدن بحث ایدرکن شونیده قطعیتله بیان اتملیم که مدنیتک اساسی؛ ترقی و قوتک تملی عالمه حیاتندهدر. بو حیاتده فنالق، محقق اجتماعی، اقتصادی، سیاسی، عجزی موجب اولور. عالمه یی تشکیل ایدن قادین وارکک عنصرلرک حقوق طبعیه لرینه مالک اولمالری، عالمه وظیفه لرینی ادارهیه مقتدر بولونمالری لازمه دندر.

«آفندیلر، ملتیز بوراده تسعید ایتدیکز بویوک ظفردن داها مهم برظفر بیشندهدر. اوظفرک ادرکی ملتیزک اقتصاد ساحهسده کی موفقیتلرله ممکن اولاجقدور. بیلیرسکز که اقتصاداً ضعیف برملت فقر و سفالتدن قورتولاماز. قوتلی برمدنیه رفاه و سعادت قاوروشماز، اجتماعی و سیاسی فلاکتلردن یاقهسنی قورتاراماز.

مملکتک اداره‌سنده کی موفقیت اقتصادیاتنده کی مکتسبات درجه‌سیله متناسب اولور. هیچ برمدنی دولت یوقدرکه اردو و دونانماسندن اول اقتصادنی دوشونمش اولماسون مملکت واستقلال مدافعه‌سی ایچون وجودی لازم اولان بوتون قوتلر و واسطه‌لر اقتصادیاتک انبساط وانکشافیه مکمل اولایلیر .

« ملتیزک متصف اولدینی قوتلی سجه ، صارصیلماز اراده ، آتشین ملیتپرورلک اقتصادی موفقیاتدن نبعان ایده‌جک فیض‌لرده لایق اولدینی درجه‌ده تقویه اولونمق ضروریدر . عصر مبارزه‌سنده ملتیزی موفق ایده‌جک بر اقتصادی حیات تأمیننی استهداف ایدن عمومی معارف و تربیه سیستمز هر کون داهاجوق اساسله شه‌جق والته موفق اولاجقدر .

« أفندیلر ، آرتیق بو کون حیات وانسانیت ایجابلری بوتون حقیقتیه تجلی ایشدر . بونلره مغایر اولان روایتلر اخلاق و ایمانه اساس اولاماز . حقیقت تجلی ایدنجه کذب اورته دن قالدقار .

سفسطه‌لر ، خرافه‌لر قداردن حقیقه‌مالیدر . هر درلو تعالی و تکمله مستعد اولان ملتیزک اجتماعی و فیکری انقلاب خطوه‌لرینی قیصا‌لتمق ایسته‌ین مانعلر همه‌حال برطرف ایدملیدر .

« أفندیلر ، صوک سوزلرمی منحصر آملک‌تمیزک کنج‌لک‌نه نوجیه ایتک ایستیورم : « کنجار ! جسامتیزی تقویه وادامه ایدن سز سکز . سز المقده اولدیغکز تربیه و عرفان ایله انسانلق مزینتک ، وطن محبتک ، فکر حریتک اک قیمتی تمثالی اولاجتسکز .

« آی یوکسان یکی نسل ! استقبال سز سکز ! جمهوری بز تأسیس ایتک ؛ اونی اعلا وادامه ایده‌جک سز سکز .

« آرقاداشلر ، بوغزنا و شهادت دیارینی ترک ایدرکن « شهید عسکر » ی هپ برابر حرمت و تعظیمله سالاملایلم ! . »